



Na osnovu člana 88. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19 i 34/20), člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), Saglasnosti Ministarstva za obrazovanje, nauku i mlade Kantona Sarajevo broj: 11-30-1316-717/20 od 14.10.2020. godine i Odluke Školskog odbora broj: 01-1- 914 /20 od 17.11.2020. godine, raspisuje se:

Javni konkurs

za popunu upražnjenih radnih mjesta u školskoj 2020/2021. godini za:

- a) na određeno vrijeme od okončanja konkursne procedure do 31.08.2021. godine za:
1. Nastavnik/nastavnica bosanskog jezika i književnosti, hrvatskog jezika i književnosti, srpskog jezika i književnosti ... 1 izvršilac, 17 časova sedmično;
 2. nastavnik/nastavnica njemačkog jezika... 1 izvršilac, 2 časa sedmično;
 3. nastavnik/nastavnica za predmet Građansko obrazovanje... 1 izvršilac, 2 časa sedmično;
- b) na određeno vrijeme, od okončanja konkursne procedure do povratka radnika s bolovanja, a najkasnije do 31.8.2021. godine za:
1. nastavnik/nastavnica matematike... 1 izvršilac, 19 časova sedmično.

USLOVI:

Pored općih uslova utvrđenih Zakonom o radu za zasnivanje radnog odnosa kandidati treba da ispunjavaju i posebne slove predviđene Zakonom o osnovnom odgoju, Nastavnim planom i programom za osnovnu školu i Pedagoškim standardima i općim normativima za osnovnu školu i Pravilnikom o unutrašnjoj organizaciji i sistematizaciji radnih mjesta u JU OŠ „Mustafa Busuladžić“ Sarajevo.

OBAVEZNA DOKUMENTACIJA (kopije):

- a) svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diploma o stečenoj stručnoj spremi ili akademskom zvanju,
- c) izvod iz matične knjige rođenih,
- e) uvjerenje o državljanstvu ne starije od 6 mjeseci, od dana objavljivanja konkursa.

DODATNA DOKUMENTACIJA (kopije):

- a) uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje,
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrda o vremenu provedenom na evidenciji Službe za zapošljavanje Kantona Sarajevo (ne starija od 3 mjeseca),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju, ne starije od šest mjeseci,

Za dokazivanje statusa branilaca i članova njihovih porodica kandidat je dužan dostaviti:

1. Član porodice šehida/poginulog, umrlog, nestalog branioca: Uvjerenje o statusu djeteta šehida-poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca, Uvjerenje o učešću u Oružanim snagama za šehida-poginulog, umrlog i nestalog branioca;
2. Ratni vojni invalid: Rješenje o priznatom svojstvu ratnog vojnog invalida;
3. Dobitnik ratnog priznanja i odlikovanja: Rješenje o priznatom pravu na mjesečno novčano primanje dobitnika priznanja;
4. Demobilisani branioci: Uvjerenje o učešću u Oružanim snagama;
5. - Dijete ratnog vojnog invalida: Uvjerenje o statusu djeteta ratnog vojnog invalida, Rješenje o priznatom pravu na invalidninu;
- Dijete dobitnika ratnog priznanja i odlikovanja: Rješenje o priznatom pravu na mjesečni novčani dodatak;
- Dijete demobilisanog branioca: Uvjerenje o učešću u Oružanim snagama.

h) osobe koje imaju status naveden po osnovu dopunskih prava boraca-branitelja BiH obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca, ne starije od šest mjeseci,

i) potvrda o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH 2/98 i 48/99)

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije 5 dana po dobijanju Odluke o izboru radnika.

Po konačnosti Odluke o izboru radnika, izabrani kandidat je dužan dostaviti ljekarsko uvjerenje nadležne zdravstvene ustanove, koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu sa izabranim kandidatom.

Nepotpune, neblagovremene i neuredne prijave neće se uzeti u razmatranje.

Prijave sa dokazima o ispunjavanju uslova Konkursa dostaviti lično na protokol škole ili putem pošte na adresu :

JU OŠ „MUSTAFA BUSULADŽIĆ“ ul. Ahatovička br. 51, 71000 SARAJEVO u zatvorenoj kovrti sa naznakom **Prijava na javni konkurs, za poziciju broj: / ne otvarati – otvara Komisija za utvrđivanje prijedloga za izbor zaposlenika.**

Napomena: Sa kandidatima koji ispunjavaju uslove iz člana 12. stav (5) tačka d) i e) Pravilnika („Službene novine KS“ broj: 35/17), Komisija za utvrđivanje prijedloga za izbor radnika obaviti će provjeru radnih i stručnih sposobnosti. O mjestu i vremenu provjere, kandidati će biti obavješteni telefonski i u pisanom obliku. Kandidati koji bez opravdanja ne pristupe istoj, gube pravo daljnjeg učešća u konkursnoj proceduri.

Dokumentacija prijavljenih kandidata koji nisu izabrani po ovome konkursu vraća se na lični zahtjev, putem protokola Škole u roku od 30 (trideset) dana od okončanja konkursne procedure.

Konkurs će biti objavljen u dnevnom listu „Oslobođenje“ i ostaje otvoren 8 (osam) radnih dana. Krajnji rok za podnošenje prijave je 02.12.2020.godine.